

796 ex.

119.

*Alcvinus Pippino regi Italiae gratias agit, quod Carolus rex captivos redimi siverit. Adhortationes addit.* 796 ex.

*Cod. T\* fol. 94'—95 a.*

*Edd. Q 91, F 33, J 77. — Migne col. 197.*

NOBILISSIMO NOBISQUE AMANTISSIMO FILIO PIPPINO<sup>1</sup> ALBINUS IN CHRISTI  
DILECTIONE SALUTEM.

Gratias agimus benivolentiae tuae, simul et pietati domni regis<sup>2</sup>, qui pie consentit petitioni [de<sup>b</sup>] redemptione captivorum. Scio vos in talibus pietatis operibus promereri benedictionem, et longaevam regni prosperitatem adipisci.

Et tu, excellentissime iuvenis, nobilitatem generationis morum nobilitate adornare<sup>10</sup> studeas; et Dei omnipotentis voluntatem atque honorem tota virtute implere contende; quatenus illius ineffabilis pietas solium regni tui exaltet et terminos dilatet, et gentes tuae subiciat potestati. Esto largus in miseris, pius in peregrinis, devotus in servitio Christi; servos illius<sup>c</sup> et ecclesias honorifice tractans; et ut sedula illorum oratio te adiuvet. Esto honestus in conversatione, castus in corpore. 15

*Prov. 5, 18, 17.* Laetare<sup>d</sup> cum muliere adollescentiae tuae<sup>3</sup>; et non sint alienae participes tui; ut benedictio tibi a Deo data<sup>4</sup> in longam nepotum procedat posteritatem.

*Cf. Ps. 118, 75.* Esto fortis in adversarios, fidelis in amicos, humilis christianis, terribilis paganis, affabilis miseris, providus in consiliis. Utere consilio senum et servitio iuvenum. Et aequitatis<sup>e</sup> iudicia in regno tuo, et laus Dei ubique horis competentibus resonet, et 20 maxime in praesentia pietatis tuae, quia huiusmodi devotio in officiis ecclesiasticis Deo te amabilem faciet et hominibus honorabilem efficiet. Sint tibi sobrietatis cogitationes in corde, veritatis verba in ore, honestatis exempla in moribus, ut te divina ubique clementia exaltet et custodiat.

Haec, obsecro, carta tecum in testimonium amoris mei pergat: etsi non sit digna<sup>25</sup> tuae venerationis cingulo suspendi, tamen eius ammonitio digna sit in corde tuae sapientiae recondi.

Vive Deo florens, [laeta<sup>f</sup>] gaudensque salute;

Dextera te Christi protegat atque regat.

Obsecro, commendes Albinus ut nomen ubique, 30

O fili, famulis per tua regna Dei.

120.

*Alcvinus Beornrado archiepiscopo Senonensi vitae S. Willibrordi librum utrumque et pedestri et poetico sermone iussu eius conscriptum dedicat. Homiliam de eodem et elegiam de sancto Wilgilso patre eius conditas addit.* 782—797.

*Codd. Stuttgardiensis (S) G 38, olim Weingartensis s. IX, Parisinus (P) 10865, quondam S. Maximi Trevir. s. IX, Wirziburgensis (W) Th. f. 34 s. X, Monacensis (B) 4605 (Benedictobur. 105) s. X—XI, S. Galli 565 (G) s. XI, Monacensis 9506 (O), Oberaltah. 6 s. XII<sup>a</sup>.*

*Edd. Surius Probat. SS. historiae ad 7. Nov. p. 127, Mabillon Acta SS. ord. S. Bened. saec. III, 1, p. 603, Quercetanus col. 1433, Frobenius II p. 183, Jaffé Bibl. VI, 39. — Migne CI, 693.*

119. <sup>a</sup>) Lemma: Albinus ad Pippinum T\*. <sup>b</sup>) de addidit J.; om. T\*. <sup>c</sup>) illos T\*. <sup>d</sup>) letare 40 post corr. letare T\*. <sup>e</sup>) aequitas sint corr. J. <sup>f</sup>) laeta add. Quercet.

120. <sup>a</sup>) Lemma: (Incipit add. P) prefatio de vita sancti Willibrordi archiepiscopi libri primi S, P; Prologus in vitam sancti Willibrordi episcopi O.

1) regi Italiae. Eidem dedicatur Disputatio regalis et nobilissimi iuvenis Pippini cum Albino scolastico (*Haupt Zeitschrift für deutsches Alterth. XIV, 531 sqq.*) 2) Caroli. 3) concubina. 45 4) Hinc intellegitur Pippinum regem iam illo tempore parentem fuisse. De cuius filiis cf. Einharti Vit. Caroli M. c. 19, Simson Jahrb. des fränk. Reiches unter Karl dem Gr. II, 432. J.